

Cauhbingz Doidoengh Minzcuz Doxgiet Baenaj Cauhmoq Hwngfat

昭平推动民族团结进步创新发展

Bi 2023, Cauhbingz Yen dawz couqmaenh gij eiqsik caezcaemh Cunghvaz Minzcuz guh sienqmeh, gaenxmaenx ra roen moq, gaiqdap moq, fuengfap moq, doidoengh saehnieb minzcuz doxgiet baenaj cauhmoq hwngfat, sij ok bien moq coi gak minzcuz Cauhbingz doxgyau doxbaedauq doxyungz.

Cauhbingz Yen aeu fapgvi minzcuz bienbaenz saw iq yaenqfat, dawz cwngcwz lijhun minzcuz yungzhaeuj ndaw sonlien ganbu bae, dazyinx gak yangh gak cin lienh cezmuw vwnzyi. Gyoengqde guh gaiqbanj langhbaij, fat swhliu, nem goujhau daengj, hawj fwnhveiz cauhmoq engq noengzna.

Dieg de lij gya lai son' gyauq minzcuz doxgiet baenaj, haeujlaeg guh "roek haeuj" cauhlaeb hozdung minzcuz doxgiet baenaj. Dawz hong cauhlaeb caeuq dangjen, saedguh vwnzmingz seizdaih moq, saenghwng lajmbanj daengj doxgap bae guh, coicaenh minzcuz "sam gyau". Yienh de mboujduenh dawzyiemz

guenjieix gij cienzngaenz hanghmoeg hwngfat siujsoq minzcuz, caeuq doengh aen bouhmonz mizgven guh sonlien siuqva Myauzcuz, aeu ruk san doxgaiq, guh vadaeng daengj dinfwngz, gajndeix gwndaenj vunzlai, coicaenh gyoengqvunz gak minzcuz couhnieb demsou. (Moz Yinzcinh/莫云珍)



Fwngz Yien Fwngz, Minzcuz Doengzsim Cauh Vwnzmingz

手拉手，民族同心创文明

8 nyied 2 hauh, Liujcouh Si Liujdungh Sinhgih guh dieg doengzsim "va lwgloux hai ok loqsiengj oi" caeuq hozdung "fwngz iq yien fwngz hung caez cau h singz vwnzmingz". Gak minzcuz lwghag caeuq bouxlax itheij hag cihsiz, gangjgangj baenzlawz cau hlaeb aen singz vwnzmingz. Hozdung miz lwnhgangj cihsiz vwnzmingz, gangj goj saekhoengz, ciuq cawjdaez veh veh, hungzlingiginh coh guekgeiz gingqlaex daengj. Daihgya rox gak minzcuz aeu engq doxgiet, caemh engq rox gij cihsiz cau hlaeb aen singz vwnzmingz, baezlaeng guh gijmaz cungj gag rox gangj vwnzmingz.

(Liengz Vei/梁慧)

◀Lwgnvez caez veh fuk veh rox vwnzmingz.

Seizhwng Nditndat Bauj Soengq Dienh 烈日高温保供电

8 nyied 3 hauh, laeng Mungz-sanh Yen Sihhoz Cin Mbanjanhfu, gyoengqvunz guhhong denliz dingj nditndat youq gwnzsang rag dienhsienq. Gyoengqde mbouj lau hwng mbouj lau ndit, coemj guhhong, ganj

dwk rag sienq doengdienh, hawj vunzlai swnghcanj swnghhoz yungh dienh ndaej cingqciengz.

(Gyangh Yungjluz/江永录
Vangz Vwnzvaz/黄文华 Cinz Gvei-yenz/覃桂媛)



▲ Gyoengqvunz lwnh baenzlawz re feizdawz hawj canghdajgai nyi.

Lungzlinz: Haeuj Haw Doengxhaemh Lwnh Siufuengz 隆林：消防宣传进夜市

8 nyied 2 hauh, Aen Daihdohi Gouqcoengh Siufuengz Lungzlinz Gak Cuz Swciyen caeuq bouxgagnyienh bae daengz ndawhaw laeng diegguenj vunz ndaetfwd haenx guh hozdung lwnhgangj siufuengz. Gyoengqde gangj duenh neix dieg lawz ngaiz feizdawz, son vunzlai baenzlawz re feizdawz ranz, yienghlawz baugingj cix

deng, baenzlawz deuzmingh gag-gouq caeuq ngamq feizdawz baenziengh ndaep feiz daengj. Baezlaeng, Aen Daihdohi Gouqcoengh Siufuengz Lungzlinz yaek laebdaeb lwnhgangj siufuengz, hawj vunzlai engq haeujsim ancienz, guhlaeg guhsaed gij hong youq doengxhaemh lwnh siufuengz.

(Yangz Baujdwz/杨保得)



▲ Boux guhhong denliz youq gwnzsang ciep sienq bauj soengq dienh.